



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

3 b Florentius Bischoff zů Straßburg.

**urn:nbn:de:hbz:466:1-41449**

Anno Dñi  
1207.

Item des H. Francisci von Paula / der ein anseger  
war des Ordens Minimorum, das ist / der wenigisten  
Brüdern / welche weder Fisch noch Fleisch essen: het ein  
wunderbarlichen Geist zu weissagen / het treffliche grosse  
wunderzeichen / verschied seliglich am Carfreitag vmb  
mittag / seines alters im 91. jar. Ist vom Pappst Leo dem  
zehenden der Heyligen zal zugeschriben.

Item in der Statt Comum des H. Bischoffs vnnnd  
Beichtigers Abundij / war ein Burger vonn Thessaloni-  
ca / an Statt des Bischoffs Amantij erwolt / inn Leben  
vnnnd Lehrfürtrefflich / vnnnd der Christenheit gar nutz-  
lich.

Item die gedächtnus des Ehrwürdigen bekehrer Christi  
Bismari vnnnd Ermini / da die Laubenser vonn den  
Hungern erlöset seind worden.

Lk. 4. Dialog.

Item der H. Junckfrawen Muse / von welcher S.  
Gregorius schreibet.

Item an disem tag starb der Man Gottes Rodge-  
rus Bischoff zu Lüttich.

b            iij. Nonas Aprilis.

### Der III. tag im Aprill.

**I**n Schytia / in der Statt Thomis / ist heut der ge-  
burtstag der H. Euagrij vnnnd Benigni.

Item zu Thessalonica das leyden der heyligen  
Junckfrawen Agapis vnnnd Chione / waren beyd S.  
Hirenie Schwestern / vnnnd alle drey Mägd der heylig-  
en Anastasie. Hirenia / als die Jüngst / war vnder  
dem blutigirigen Kayser Diocletiano / vmb Christi  
willen

willen im Kercker behalten / dise zwo aber ins fere gesetzt /  
deren leiber doch vnuerletzt bliben / haben also mit Gebett  
ire Seelen Gott auffgeben / vnd ire leiber seind von S. Anno Dñi  
Anastasia begraben worden. Von Hierenia wirdt am 5. 287.  
tag diß Monats gemeldet.

Item zu Tauromenio inn Cilicia die begräbnus des  
H. Bischoffs vnd marterers Pancratij / der S. Petri des  
Obersten Apostels Jünger / daselbst Bischoff geordnet /  
wie ein tapfferer Ritter Christi / für den Glauben gestrit-  
ten / vnd die Himlische Kron erlanget hat.

Item in Engeland des H. Cisterciensischen Bischoffs  
vnd Beichtigers Richardi / der seinen Schäßlin löblich  
vnd nützlich vorgestanden.

Item der H. Junckfrawen vnd Ebtissin Burgun-  
dosore. *Item hie ist was sint des H. Christiani*

Item des H. Batters vnd Beichtigers Nicete / von  
welchem sein iünger Theosterictus geschriben.

Item des H. Florentij Bischoffs zu Straßburg / von  
welchem weyter am 7. Weinmonsats.

e Pridie nonas Aprilis.

### Der III. tag im April.

**D**as Mayland ist heut der Tag der begräbnus des  
hailigen vnd hochberümpften Bischoffs vnd Kir-  
chenlehrers Ambrosij / der zu dem Bisshumb wider  
seinen willen erwöhlet vnd gezwungen ward / darinnen  
er grossen ernst vnd tugent brauchete. Auf seinem fleisch ist  
das ganz Welschland von der Arrianische Kerey zum  
Christlichen Glauben beköhret worden. Hat auch den  
heyligen Augustinum bekört vnd getaufft / vnd vil heili-  
chee